

醫方類聚卷之六十

傷寒門三十四

援粹方一

此事難知

解利兩感神方大羌活湯

天之邪氣感則害人五藏以是知內外兩感

府藏俱病欲表之則有裏欲下之則有表表

裏既不能一治故云兩感者不治然所稟有

虛實所感有淺深虛而感之深者必死實而



感之淺者猶或可治治之而不救者有矣未  
有不治而獲生者也余嘗用此間有生者十  
得二三故立此方以待好生之君子用之

羌活 獨活 防已 防風 黃芩 黃

連 蒼朮製 白朮 甘草炒 川芎 細辛

各參 知母 生地黃各一

錢兩

右咬咀每服秤半兩水二大盞煎至一盞  
半去滓得清藥一大盞熱飲之不解再服  
三四解之亦可病愈則止若有餘證並依

### 仲景隨經法

#### 辨陰陽二證

陰證身靜重語無聲氣難布息目睛不了了  
鼻中呼不出吸不入往來口與鼻中氣冷水  
漿不入大小便不禁面上惡寒有如刀刮  
陽證身動輕語有聲目睛了了鼻中呼吸出  
入能往而能來口與鼻中氣皆熱  
身表涼知在陰經也名曰陰證身表熱知在  
陽經也名曰陽證

傷風鼻中氣出齶合口不開肺氣通于天也  
傷食口無味液不納鼻息氣勻脾氣通于地  
也  
外傷一身盡熱先太陽也從外而之內者先  
無形也  
內傷手足不和兩脇俱熱如火先少陽也從  
內而之外者先有形也  
內外俱傷人迎氣口俱盛或舉按皆實大表  
發熱而惡寒腹不和而口液此內外俱傷也

凡診則先捫手心背手心熱則內傷手背熱  
則外傷次以脉別之

### 太陽證

太陽證頭項痛腰脊強發熱惡寒無汗脉尺  
寸俱浮而緊是病發於陽陽者衛也麻黃湯  
主之是陽經衛藥也開湊理使陽氣伸泄此  
藥爲衛實也

太陽證頭項痛腰脊強發熱惡風自汗脉尺  
寸俱浮緩者是榮也桂枝湯主之是陰經榮



藥也閉衛氣使陰氣不泄此藥為衛虛則設也

傷寒見風脈傷風見寒脈二證大青龍湯主之易老用桂枝麻黃各半湯后改用九味羌活湯

發熱惡寒自汗脈緩發熱惡風無汗脈緩此二證易老用桂枝二麻黃一湯后亦改用九味羌活湯無論有汗無汗悉宜服之

易老解利法九味羌活湯

經云有汗不得服麻黃無汗不得服桂枝若差則其變不可勝言故立此法使不犯三陽禁忌解表神方

羌活一兩治太陽支節痛君主之藥也然非無為主也却亂反正之主也故大無不通小無不入關節痛非此無不治

防風一兩治一身盡痛卒五單下之職一聽君命將令而行隨所使所引而至

蒼朮一兩別有雄壯上行之氣能除濕下



安太陰使邪氣不內傳之于足太陰脾

細辛五錢治足少陰腎苦頭痛

川芎兩治厥陰頭痛在腦

白芷兩治陽明頭痛在額

生地黃兩治少陰心熱在內

黃芩兩治太陰肺熱在胃

甘草兩能緩裏急調和諸藥故有國老之

稱

已上九味雖為一方然亦不可執執中無

權猶執一也當視其經絡前後左右之不

同從其多少大小輕重之不一增損用之

其效如神咬咀水煎服若急汗熱服以羹

投之若緩汗溫服而不用湯投之也脉

浮而不解者先急後緩脉沉而不解者

先緩後急九味羌活湯不獨解利治雜

病有神中風行經者加附子中風秘澀

者加大黃中風并三者合而成痺等證各

隨十二經上下內外寒熱溫涼四時六氣

加減補瀉用之煉蜜作丸亦可加生地黃  
各半治兩感傷寒如神用豆淋酒煎治破  
傷風

太陽證悞汗悞下悞利小便諸變

太陽病下之其脉促不結胃此爲欲解也脉  
浮者必結胃 脉緊者必咽痛 脉弦者  
必兩脇拘急 脉細數者頭痛不止 脉  
沉緊者必欲嘔 脉沉滑者脅熱痢 脉  
浮滑者必下血 太陽病反下之因而腹

滿時痛者屬太陰也桂枝加芍藥湯

太陽病下之大實痛者陽明胃也桂枝加  
大黃湯

太陽入本熱而渴小便或利或不利宜五  
苓散此太陽入本下藥也當服不服必就  
陽明燥火戊胃發黃故有調胃承氣證不  
當服而服小便強利津液重亡是爲犯本  
而成血證輕則桃仁承氣湯重則抵當湯  
陽明證悞汗悞利小便諸變

陽明證若發汗利小便竭其津液則生畜血  
證 發汗多畜血上焦為衄 利小便多  
畜血下焦為發狂

身熱目痛鼻乾惡執自汗脉尺寸浮長白虎  
湯主之

石膏

四錢 辛 知母 一錢 半 苦 甘草 一錢 粳

米

一合 半 二味 之 甘 居 中 挽 二 藥 上 下 不 相 離 同 煎 煩 熱

右麤散五錢匕水一盞半煎至八分米熟  
為度去滓溫服

自汗大出身表如冰脉疾而細小及瘧疾但  
寒不熱者白虎加桂湯主之

石膏

四兩 知母 三兩 甘草 一兩 粳米 二合 官桂 兩

右麤末同前煎服 如中暑自汗微惡寒  
者亦宜服之

老幼虛人傷寒五六日昏胃譫語小便或淋  
或澁或煩而不得眠白虎加梔子湯主之  
白虎湯內加梔子一錢半 煎服同前



辛苦之人動而傷者身熱脉洪大火勝傷氣也白虎加人參湯主之大渴者依前白虎湯內加人參一錢半煎服同前安閑之人靜而傷暑惡寒脉沉疾不渴濕勝傷形也白虎加蒼朮湯主之依前白虎湯內加蒼朮一錢半煎服同前涼膈散治上焦熱甚陽明少陽氣中之血藥也

山梔子仁一兩黃翹黃芩薄荷各一兩大

黃芩半兩芒硝半兩去六經中熱減大黃硝加桔梗甘草各半兩一法加防風

右為麤末每服一兩水二盞同竹葉七片煎至一盞去滓入蜜少許食後服加生姜煎亦得治肺金邪熱咳嗽有痰者加半夏涼膈與四物湯各半服能益血泄熱名雙和散錢氏去連翹加藿香石膏為瀉黃散

梔子豉湯煩者氣也燥者血也氣主肺血主

腎煩燥者懊懣不得眠也

肥梔子拾介擘碎香豉四合以治腎燥

分作二服每服五錢水二盞煎至八分去

滓溫服得快吐止後服 如少氣虛滿者

加甘草一兩 如嘔噦者加生姜橘皮

如下後腹滿而煩梔子厚朴枳實湯 如

下後身熱微煩梔子甘草乾姜湯 如有

宿食而煩梔子大黃湯

陽明發癰有三 下之早而發 失下而發

胃熱胃爛而發 大抵戊助少陰心火入

于手太陰肺也陽證陰證皆有癰論在略

例內元戎內附白虎湯瀉心湯調胃承氣

湯選而用之

太陽陽明大承氣湯 少陽陽明小承氣湯

正陽陽明調胃承氣湯

大承氣湯治大實大滿大滿則胃腹脹滿狀

若合瓦大實則不大便也痞滿燥實四證備

則用之雜病則進退用之

大黃酒浸去皮半兩治不大便地道不通酒上行引大黃至巔而下

厚朴姜製一兩治腹脇臑脹滿

枳實麩炒五錢治心下痞按之良久氣散痛緩

此并主心下滿乃肝之氣盛也

芒硝半兩治腹中轉而失氣內有燥屎味辛

寒燥以潤之芒硝味辛以潤腎燥令人不

用辛字只用鹹字鹹能軟堅

右剉如麻豆大以水二大盞先煮厚朴枳

實至一大盞下大黃煮至六分去滓內硝

煎一二沸溫服利止後服

小承氣湯痞實滿可服腹中無轉失氣

大黃半兩或一兩不用酒浸厚朴製五錢枳實炒三錢煎

服同前仲景治雜病用此名曰三物厚

朴湯

調胃承氣湯治實而不滿腹中轉失氣有燥

屎不大便而譫語燥實堅三證見可用

大黃酒浸壹兩邪氣居高非酒不至譬如



物在高巔人跡之所不及射以取之故用酒浸引而上之也用生大黃苦泄峻下則必遺高之分邪熱也是以愈後或目赤或喉閉或頭腫及膈之上熱疾生矣  
甘草炙半兩以甘緩之 芒硝以辛潤之以鹹熨之 煎服同前

已上三法不可差也若差則無者生之有者遺之假令調胃承氣證用大承氣下之則愈後元氣不復以其氣藥犯之也大承

氣證用調胃承氣下之則愈後神癡不清以其氣藥無之也小承氣證若用芒硝下之則或下利不止變而成虛矣

大柴胡湯治有表復有裏或脉浮或頭痛或惡風 惡寒四證或有一二尚在者過經不解是也或譫言或妄語或直手揚視此皆裏之急者也欲汗之則裏證已急欲下之則表證仍在故以小柴胡中藥調和三陽使不犯三陽禁忌以芍藥下安太陰令邪氣不內以

大黃去地道不通以枳實去心下痞悶或濕熱自利若表裏證已急者通宜大柴胡湯

柴胡四兩黃芩各一兩芍藥各一兩半夏一兩二錢枳實半兩大黃兩

右剉如麻豆大每服五錢生姜四片棗一枚水一盞半煮至八分去滓溫服以利為度未利再服

嘔家雖有陽明證不可下宜大柴胡去大黃

少陽證

少陽證胃脇痛往來寒熱而嘔或欬而耳聾

脈尺寸俱弦忌發汗忌利小便忌過大便故名三禁湯宜和解小柴胡湯主之

柴胡四兩半夏一兩二錢黃芩一兩半人參一兩甘草一兩薑棗發散

右剉如麻豆大每服五錢生姜四片棗壹枚水壹盞半煮至八分去滓溫服日三如腹中痛去黃芩加芍藥如心下悸小便不利者去黃芩加茯苓二兩如胸中煩不嘔者去半夏人參加枳實四分之二

不利者去黃芩加茯苓二兩如胸中煩不嘔者去半夏人參加枳實四分之二



如渴者去半夏加人參栝藂根二兩 如  
脇下痞硬去棗加牡蠣 如不渴外有微  
熱者去人參加桂枝一兩半溫覆微汗愈  
如欬嗽者去人參加五味子一兩二錢半  
乾姜壹兩亦去棗子生姜 如寒熱往來  
經水不調去半夏加秦艽芍藥當歸知母  
地骨皮牡丹皮川芎白朮茯苓 如婦人  
虛勞發熱加蛤蚧赤茯苓 如小柴胡湯  
與四物湯各半名調經湯 無孕嘔者加

半夏 無汗者加柴胡 惡寒者加桂  
有汗者加地骨皮 嗽者加紫苑 通經  
者加京三稜廣茂 勞者加鱉甲 如婦  
人傷寒經水適來適斷發熱惡寒夜則譫  
語此爲熱入血室故寒熱如瘧小柴胡湯  
主之 刺期門 如傷寒過經不解胃脇  
滿而嘔哺發潮熱加芒硝一兩 如平日  
發熱熱在行陽之分肺氣主之故用白虎  
湯以瀉氣中之火 如日晡潮熱熱在行



陰之分腎氣主之故用地骨皮散以瀉血中之火

### 太陰證

太陰證腹滿咽乾手足自溫自利不渴腹滿時痛脉尺寸俱沉細以其藏有寒故也當溫之宜四逆輩仲景理中丸易老人參黃耆湯量其輕重或溫或熱人之強弱虛實所可宜者選而用之脉浮者可發汗宜桂枝湯若下之早必胃下痞結如中脘痛

理中建中黃耆湯之類 如臍腹痛四逆

真武附子湯之類 如少腹小腹痛重則

正陽散回陽丹之類輕則當歸四逆湯之

類 如雜證而痛四物苦練湯酒煮當歸

丸增損當歸丸之類 如夏腹痛肌熱惡

熱脉洪疾手太陰足陽明主之黃芩芍藥

湯 如秋腹痛肌寒惡寒脉沉疾足太陰

足少陰主之桂枝芍藥湯 如四時腹痛

芍藥甘草湯主之

類聚六十  
十四

弦 傷氣 本藥

洪 傷金 黃芩

脉 緩 傷水 加 桂枝 生薑

澀 傷血 當歸

遲 傷火 乾姜

如腹不滿者加棗若滿者不加

脾虛滿黃者湯 芍藥停濕

如中滿勿食甘二藥用甘引至滿所

脾實滿平胃散 蒼朮泄濕

如大便秘 實痞 厚朴 枳實

如大便利 虛痞 芍藥 陳皮

海藏云 中脘痛者屬脾土臍腹痛者屬少

陰少腹小腹厥陰分三部殊途紉酌斟太

陰中土主理中少陰四逆真武同厥陰宜

當歸四逆重則回陽霹靂攻

少陰證

少陰證口燥舌乾而渴脉尺寸俱沉 沉遲

則四逆湯 沉疾則大承氣湯疾而無力

者不可下 如大熱而脉反細小不可下  
宜瀉心湯 如身涼無汗體沉或體輕脉  
沉有頭痛不厥宜麻黃附子細辛湯

走無形證

如身熱而煩燥不寧大小便自利其脉浮洪  
而無力按之全無者附子瀉心湯主之

走有形證

如上吐下瀉不止當渴而反不渴其脉微細  
而弱者理中湯主之 渴而沉疾有力者

五苓散主之

如發熱脉沉當汗者 微

汗之麻黃附子甘草湯

緩汗之麻黃附

子細辛湯

體沉加防已蒼朮乃勝濕也

體輕加石膏知母乃勝熱也

如咽痛者

熱者甘草湯

寒熱者桔梗湯

寒者半

夏湯

如脉沉細而遲弦通脉四逆湯

不渴者四逆湯

若渴者豬苓湯

如脉

沉細而遲澀白通湯

口中和者當温

口中乾燥者當下



一物黃連瀉心湯易老隨證加減例于后

煩者加梔子 燥者加香豉 嘔者加半

夏 滿者加甘草 腹痛加芍藥 脉遲

者加附子 下焦寒者加乾薑 大便秘

加酒浸大黃 用乾姜附子先煎另熟使

熱不僭也後另煎黃連與黃連姜附同用

少陰渴逆者失下也陰消將盡陽逆上行使

陰不納也或舌彎言語不正反昏冒與咽

痛者少陰也速下之大承氣湯若陽極脉

微將盡者不宜下宜瀉心湯涼而去硝清

肺亦可 飲水多心下痞渴別無惡候者

五苓散主之

甘桔湯加減例于后

欬逆氣者加陳皮 欬嗽者加知母貝母

欬發渴者加五味子 唾膿血者加紫苑

肺痿者加阿膠 面目腫者加茯苓 嘔

者加生姜半夏 少氣者加人參麥門冬

膚痛者加黃耆 目赤者加梔子黃連

咽痛者加鼠粘子竹茹 聲不出加半夏  
桂枝 疫毒頭腫者加鼠粘子大黃芒硝  
胃痛脘不利加枳殼 心胃痞者加枳實  
不得眠者加梔子 癰癩者加防風荆芥  
酒毒者加葛根陳皮

少陰心驚悸邪熱入陰腎水乘心是以心悸  
是水犯火也不當治水與火治在於木故仲  
景用四逆散調之

柴胡

枳實

芍藥

甘草

先以甘草茯苓湯導其濕

亦可

### 厥陰證

厥陰證煩滿囊縮大小便不通發熱引飲腹  
滿脉尺寸俱微緩脉沉疾按之有力者爲陽  
陽則當下宜大承氣湯

脉沉遲按之無力者爲陰陰則當溫宜四逆  
湯更宜速灸之

### 陰脉之劑

正陽散



類聚卷之六十一  
十一

附子一兩炮 乾姜炮二錢半 甘草二錢半 麝香一錢細研 治一錢細研 治風毒味辛溫 皂莢二兩酢炙黃去 腹治者風利九竅療 腹脹滿及囊結

右為極細末每服二錢水二盞煎至五分和滓溫服無時

### 迴陽丹

硫黃半兩細研味酸溫大熱治心腹疾積聚邪氣冷癖在脇欬逆上氣脚冷弱無力木香半兩味辛溫療肌中偏寒主氣不足

行藥之精 葦澄茄半兩味辛溫治皮膚

風心腹氣脹 乾蝎半兩味甘辛治一切

風 吳茱萸半兩湯浸乾炒味辛溫大熱

上溫中逐風邪諸冷實不消氣逆利五藏

附子半兩炮去皮臍 乾姜二錢半炮

坵

右為細末酒糊為丸梧桐子大生姜湯下每服三五丸併二三服以熱酒投之覆衣取汗

類聚卷之六十一  
十一



辨別 卷六十一

九

自汗者

太陽自汗桂枝湯 陽明白汗白虎湯

少陰自汗四逆湯

六經渴者

太陽渴脉浮無汗者五苓散滑石之類

陽明渴脉長有汗者白虎湯涼膈之類

少陽渴脉弦而嘔者小柴胡加栝蒌根湯

太陰渴脉細不欲飲縱飲思湯不思水

少陰渴脉沉自利者豬苓湯三黃湯之類

厥陰渴脉微引飲者少少與之

瘧證從風治

發汗太多因致瘧身熱足寒項強惡寒頭熱

面赤目脉赤頭搖口噤背反張者瘧病也

屬太陽

若頭低視下手足牽引肘膝相構陽明瘧

也

若一目或左或右邪視并一手一足搐搦

者少陽瘧也汗之止之和之下之各隨其

經可使必已

若發熱無汗反惡寒者名剛瘧宜麻黃加

獨活防風湯

麻黃去節桂枝各一兩甘草半兩杏仁貳十五介去皮尖

獨活二味各一兩防風一兩

右細剉每服一兩水三盞煮至壹盞半去

滓溫服

若發熱自汗而不惡寒者名柔瘧宜桂枝

加川芎防風湯

桂枝芍藥生姜參味各一兩半甘草防風

川芎各一兩大棗陸枚

右細剉每服一兩水三盞煎至一盞半去

滓溫服

若發熱脉沉而細者附太陰也必腹痛宜

桂枝加芍藥防風防已湯又宜小續命

湯

桂枝一兩半防風防已各一兩芍藥參兩生姜

一兩半大棗陸枚

類聚卷之六十一  
二十一

右煎服同前

若發汗過多發熱頭面搖卒口噤反背反張者太陽兼陽明也宜去風養血防風當歸散主之

防風 當歸 川芎 地黃 各一兩

右剉每服一兩水三盞煮至二盞去滓溫服

如無汗者葛根湯主之 如有汗者桂枝加葛根

若汗下後不解乍靜乍躁目直視口噤往來寒熱脉弦者少陽風痙宜小柴胡加防風湯

柴胡 二兩 人參 五錢 半夏 製六錢 黃芩 參錢 生姜

甘草 各七兩半 防風 一兩 棗 叁个

右剉每服一兩水三盞煮至壹盞半去滓溫服

附子散治陰痙手足厥 筋脉拘急汗出不止頭強頭搖口噤



桂心二錢 附子一兩 白朮一兩 川芎錢 獨活兩  
右爲末每服三錢水一盞棗一枚煎至五分溫服

桂心白朮湯治陰瘧手足厥冷筋脈拘急汗出不止

白朮 防風 甘草 桂心 附子 川

芎各等分

右爲末每服五錢水二盞生姜五片棗二枚同煎至七分去滓溫服

附子防風散治陰瘧閉目 面手足厥逆筋脈拘急汗出不止

白朮 防風 甘草 桂心 附子 乾

姜 柴胡 茯苓 五味子

右爲末每服三錢水二盞生姜四片同煎去滓溫服

八物白朮散治陰瘧一二日面腫手足厥冷筋脈急汗不出陰氣內傷

白朮 茯苓 五味子 桂心 麻黃

良薑 羌活 附子

右為末每服四錢水一大盞生姜五片同煎至五分去滓溫服無時 無論有汗無汗藥內并下藥中摠加羌活

栝萋桂枝湯有汗者柔也其證備身體強几几然脉反沉遲

栝萋根兩二 桂枝兩 芍藥兩 甘草二兩

右為末每服五錢水二小盞生姜七片棗二枚煎至一盞去滓溫服汗不出食頃啜

熱粥發之

桂枝加葛根瓜萋湯有汗者柔也

桂枝 芍藥 各 葛根 栝萋根 各二錢半

右為末煎服同前加羌活

金匱葛根湯無汗者剛也無汗而小便反少氣上衝胷口噤不得語

葛根兩四 麻黃兩 去節參兩 桂枝兩二 生姜兩 甘草兩二

芍藥兩 棗二十

右咬咀以水一斗先煮麻黃葛根一二沸



去上沫納諸藥煮取三升去滓服  
婦人新產血氣痙者舉卿舉散汗後  
中風發搐亦然

荆芥穗不以多少火微炒炒大豆黃卷  
熟以酒沃之去黃卷

取汁調細末三五錢和滓飲之輕者壹服  
愈重者三服其效如神

海藏治法神木湯

蒼朮 防風 甘草

治風濕惡寒脉緊解利無汗 治剛痙加

羌活獨活麻黃

白朮湯

白朮 防風 甘草

治風濕惡風脉緩解利有汗 治柔痙加

桂心黃耆白朮 太陽陽明加川芎荆芥

穗 正陽陽明加羌活酒大黃 少陽陽

明加防風柴胡根 熱而在表者加黃金

寒而在表者加桂枝黃耆附子 熱而在



裏者加大黃 寒而在裏者加乾姜良姜  
附子 已上數經寒熱當以脉別之

發黃四證

方在元戎拾遺內附  
陰黃在略例內附

有畜血發黃太陽傳本也

有結胃發黃下之早太陽陽明本也

有濕熱發黃陽明與太陰也

有寒濕發黃少陽與太陰也

海藏云

當汗不汗即生黃當汗汗多因致

瘥不當汗而若汗之畜血定應無改易汗

多或有變亡陽陰證脉候須子細 若大

便自利而黃者茵陳梔子黃連三味湯

色如熏黃乃濕病也一身盡疼 色如橘

子黃乃黃病也一身不疼 乾黃燥也小

便自利四肢不沉重渴而引飲者梔子蘗

皮湯 濕黃脾也小便不利四肢沉重似

渴不欲飲者大茵陳蒿湯 往來寒熱一

身盡黃者小柴胡加梔子湯 傷冷中寒

脉弱氣虛變而為陰黃者仲景理中湯加

茵陳蒿服之 癸熱渴小便不利茵陳蒿  
湯調五苓散服之 欲發黃者急用芫蕪  
散搐入鼻中出黃水甚驗

茵陳蒿湯太陽

茵陳蒿 一兩 大黃 二分 梔子 十

右剉如麻豆大每服壹兩水三盞先煮茵  
陳減壹半內二味煮八分去滓溫服日三  
服小便利如皂角汁色正赤一宿腹減黃  
從小便中出也

麻黃連翹赤小豆湯太陽陽明少陽三經也

麻黃 連翹 各一兩 赤小豆 半兩

右剉如麻豆大每服一兩水三盞煮至一  
盞去滓溫服

梔子蘘皮湯屬陽明 少陽也

大黃 蘘皮 各二兩 梔子 十五

右剉如麻豆大每服壹兩水三盞煮至一  
盞去滓溫服

畜血證



血諦證 古人雖有輕重之殊而無上下之別今分作上中下三等以衄血唾血嘔血分為上部血結胃中為中部畜血下焦為下部夫既有三部之分故藥亦隨而輕重之也 汗多者為衄血脈浮灸之者咽燥為唾血當汗不汗熱入于裏者為嘔血為吐血此血在上也犀角地黃湯上之涼隔散加生地黃亦可然衄唾嘔吐俱在上亦當以輕重分之 大凡血證皆不飲水惟

氣證則飲水宜謹之此證足太陰所主脾所不裹越而上行所以有嘔血吐血之候也

實者犀角地黃湯胃中手不可近也

犀角屑 如無以升麻代一兩 生地黃 二兩 芍藥 八錢 牡丹

皮 一兩

右為麤末水煎服 熱多者加黃芩 升

麻與犀角性味主治不同何以升麻代之以是知引入陽明也治瘡疹太盛



雲岐子犀角地黄湯寸花血在上焦

生地黃兩二黃芩兩一黃連兩一大黃兩半

右咬咀水二盞秤一兩煎至壹盞去滓食後服之

虛者黃芩芍藥湯治虛家不能飲食衄血吐血

黃芩 白芍藥 甘草 一法加生姜黃

者

右二藥治傷寒衄血吐血嘔血

桃仁承氣湯治血結胃中心下手不可近為

中部畜血 無寒熱胃滿嗽水不欲嚥喜忘

昏迷其人如狂

桃仁兩半大黃兩一甘草兩二錢桂錢叁芒硝錢叁

右咬咀每服一兩水二盞生姜七片煎至

一半去滓入硝化開食後服 若牙齒等

蝕數年不愈當作陽明畜血治之此湯細

末煉蜜丸桐子大服之好飲過者多有此

疾屢服有效

仲景抵當湯并即臍下手不可近畜血下部  
也其人發狂少腹滿硬小便自利大便反黑  
如狂者在中發狂者在下

大黃兩半水蛭半兩蟅半兩蜜凡之  
右剉每服五錢水二盞煎至七分去滓溫  
服

生地黄九病人七八日後兩手脈沉遲細微  
膚冷臍下滿或狂或燥大便實而色黑小便  
自利者此畜血證具也若年老及年少氣虛

弱者宜此方主之

生地黄

自然汁一升如無生也

乾漆

半斤

欲生藕

自然汁半升如無藕用刺薊汁半

盡生藕

升如無刺薊汁用刺薊末壹兩

藍葉

一握切碎乾 蜜虫二十個去翅 水蛭

十个

大黃一兩如 桃仁半兩

右一處入水

三升半同慢火熬及二升以

來放冷分

三服投一服至半日許血未下

再投之此

地黃湯此抵當湯九其勢甚輕

如無地黃

與藕汁計升數添水同煎抵當



湯丸恐用之太過有不止損血之候故立此湯 衄不可汗者蓋為脈微也 脈緊者浮者麻黃湯主之 脈浮緩者桂枝湯主之 脈已微者犀角地黄湯主之 衄涕血出于肺

犀角 升麻 梔子 黃芩 芍藥 豉

生地黃 紫參 丹參 阿膠 硫黃

咯唾血出于腎

天門冬 紫苑 知母 貝母 桔梗

百部 熟地黃 麥門冬 遠志 澤瀉

牡礪 黃蘗 乾姜 肉桂

痰涎血出于脾

葛根 黃耆 黃連 芍藥 當歸 沉

香 甘草

嘔吐血出于胃

實者犀角地黄 虛者小建中加黃連

結胃證

大結胃不按而痛陷之深



麻黃證脉浮緊而反下之是犯衛氣則爲正結胃以其在無形故陷之高也無汗下之而成太陽陽明證犯至高者故大喘陷胃丸主之

小結胃按之而痛陷之淺

桂枝證脉浮緩而反下之是犯榮氣則爲結胃心下痞以其在有形故陷之低也汗之過半下之獨成陽明證犯在裏者故喘大陷胃湯主之

小結胃無大熱陷之輕

無大熱頭汗出汗之已多下之以成少陽陽明證犯之輕者故微喘小陷胃主之

水結胃者

水結心下五苓散枳朮湯宜用之

上項五藥具在後保命集內大抵大陷胃湯治實熱陷胃丸兼喘小陷胃湯兼痞應汗而水濕熱却而益煩肉上粟起欲飲不渴先文蛤後五苓變爲寒實也雖云三

物陷胃莫若白散亦可用桔梗巴豆貝母也

霍亂證 本自胃經或因寒飲或因飲水或傷水毒或感濕氣冷熱不調水火相干陰陽相搏故轉筋攣痛經絡亂行暴熱吐瀉中焦胃氣所主也察其色脉隨經標本此治霍亂吐瀉之法也 如頭痛發熱邪白風寒而來中焦為寒熱相半之分邪稍高者居陽分則為熱熱多飲水者五苓散以

散之 如邪稍下者居陰分則為寒寒多不用水者理中丸以溫之 如吐利后有表者解之汗出厥者溫之 如既吐且利小便利大汗出內寒外熱者亦溫之 如吐下后汗出厥逆不解脉欲絕者四逆等湯治之 如吐瀉轉筋身熱脉長陽明本病也宜和中四君子湯平胃散建中湯四君子湯

茯苓 白朮 人參 黃耆 各一



右剉如麻豆大每服一兩水三盞生姜五片煎至一盞去滓溫服 如吐瀉轉筋頭痛自汗脉浮者四君子加桂五錢主之 如吐瀉轉筋頭痛無汗脉浮者四君子加麻黃五錢主之 如吐瀉轉筋脇下痛脉弦者宜建中加木瓜柴胡湯 平胃加木瓜五錢亦可也

桂枝二兩芍藥二兩甘草一兩膠飴半升生姜一兩  
半大棗六枚木瓜五錢柴胡五錢

右剉如麻豆大每服一兩水三盞煮至一盞半去滓下膠飴兩匙煎化服 如吐瀉後大小便不通胃中實痛者四君子湯加大黃一兩主之 如吐瀉轉筋腹中痛體重脉沉而細者宜

四君子加芍藥高良姜湯

四君子四味各一兩 芍藥高良姜各五錢 同煎服 如吐瀉霍亂四肢拘急脉沉而遲者宜



四君子加姜附厚朴湯 四君子四味各一

兩 生姜附子厚朴 炮製各參錢 同煎服

如此瀉轉筋四肢厥冷脉微緩者宜

建中加附子當歸湯

桂枝 一兩 當歸 參錢 芍藥 二兩 甘草 半兩 膠飴 半升 生

姜 一兩 附子 參錢 大棗 六枚 同煎服

傷寒表裏緩急辨

解利傷寒之法當先明表裏表裏既見則治之緩急亦不可不知也蓋三陽之表當急

而裏當緩三陰之表當緩而裏當急經曰

在皮者汗而發之是表之表汗之當急者

也有曰漬形以為汗是裏之表汗之當緩

者也假令太陽證始得頭痛腰脊強脉浮

無汗裏和此汗之當急者也故麻黃湯主

之少陰證始得發熱脉沉裏和無汗此汗

之當緩者也故麻黃附子細辛湯主之至

於在表之裏則下之當緩在裏之裏則下

之當急其類雖多可推而知也

表之表麻黃湯

麻黃去節根 桂心去皮 甘草炒 杏仁去皮

尖二  
十枚

右咬咀都作一服水煎

假令得肝脉其外證善潔面青善怒其三  
部脉俱浮而弦惡寒裏和謂清便自調麻  
黃湯內加羌活防風各三錢以其肝主風  
是膽經受病大便秘或泄下赤水無數皆  
為之裏不和也 假令得心脉其外證面

赤口乾喜笑其脉尺寸俱浮而洪惡寒裏  
和謂清便自調麻黃湯內加黃芩石膏各  
三錢以其心主熱是小腸經受病也 假  
令得脾脉其外證面黃善噫善思善味其  
脉尺寸俱浮而緩裏和惡寒麻黃湯內加  
白朮防已各三錢以其脾主濕是胃經受  
病也 假令得肺脉其外證面白善嚏悲  
愁不樂欲哭其脉尺寸俱浮而濇裏和惡  
寒麻黃湯內加桂生姜各三錢以其肺主



燥是大腸經受病也 假令得腎脉其外  
證面黑善恐欠其脉尺寸俱沉裏和惡寒  
麻黃湯內加附子生姜各三錢以其腎主  
寒是膀胱經受病也 已上五證皆表之  
表謂在皮者汗而發之所當急也皆為府  
受病矣

表之裏

且表之裏者下之當緩謂隨藏表證外顯  
脉尺寸俱浮而復有裏證發熱飲水便利

赤色或泄下赤水按之內實或痛麻黃湯  
內去麻黃杏仁隨藏元加藥同分作五服  
每下一證初一服加大黃半錢邪盡則止  
若邪未盡第二服加大黃一錢邪又未盡  
第三服加大黃壹錢半邪未盡又加之邪  
盡則止此謂先緩而後急是表之裏者下  
之當緩也

裏之表麻黃附子細辛湯

麻黃一兩去根節 附子一錢二分半炮坼 細辛半兩去苗土



右咬咀都作一服水煎

假令得肝脉其內證滿悶淋洩便難轉筋其脉尺寸俱沉而弦裏和惡寒卽肝經受病也此湯內加羌活防風各三錢 假令得心脉其內證煩燥心痛掌中熱而噦其脉尺寸俱沉而洪裏和惡寒卽心經受病也此湯內加黃芩石膏各三錢 假令得脾脉其內證腹脹滿食不消怠惰嗜臥其脉尺寸俱沉而緩裏和惡寒卽脾經受病

也此湯內加白朮防己各三錢 假令得肺脉其內證喘欬洒淅寒熱其脉尺寸俱沉而濇裏和惡寒卽肺經受病也此湯內加生姜桂各三錢 假令得腎脉其內證泄如下重足脛寒而逆其脉尺寸俱沉裏和惡寒卽腎經受病也此湯內加附子生姜各三錢 已上五證皆裏之表宜漬形以爲汗所當緩也皆爲藏受病也裏之裏

且裏之裏者下之當急謂藏內證已顯尺寸脉俱沉復有裏者謂大小便秘澀或下赤水或泄無數不能飲食不惡風寒發熱引飲其脉俱沉或按之而內痛此謂之裏實宜速下之麻黃附子細辛湯內去麻黃與隨藏元加藥同分作三服每下一證初一服加大黃三錢邪盡則止若邪未盡第二服加大黃二錢邪又未盡第三服加大黃一錢此先急而後緩謂裏之裏者下之

當急也

太陽證九味羌活湯 無汗用蒼朮 有汗

用白朮 方在 前

白朮湯治傷風寒上解三陽下安太陰神方

白朮 二兩如汗 改蒼朮 防風 二兩去 蘆秤

右咬咀水煎 若發熱引飲加黃芩生甘草壹兩 若頭痛惡風者加羌活散三錢半

羌活散



羌活一兩半川芎七錢細辛二錢半  
如鞭節若身熱日痛者加石膏湯四錢

石膏湯

石膏二兩亂知母半兩白芷七錢  
紋者

若腹中痛者加芍藥散三錢

芍藥散

白芍藥二兩酸中桂半兩  
澁者去皮

若往來寒熱而嘔者加柴胡散三錢

柴胡散

柴胡一兩去半兩夏半兩  
苗鬚姜製

若心下痞者加枳實壹錢若有裏證者加

大黃壹錢次二錢又三錢邪去止之

有汗無汗四時宜用

經言有汗不得服麻黃無汗不得服桂枝然

春夏汗孔踈雖有汗不當用桂枝宜黃耆

湯以和之秋冬汗孔閉雖無汗不當用麻

黃宜川芎湯以和之春有汗脉微而弱惡

寒者乃太陽證秋冬之脉也亦宜黃耆湯



無汗亦宜川芎湯秋冬有汗脉盛而浮發熱惡熱者乃陽明證春夏之脉也亦宜黃耆湯無汗亦宜川芎湯有汗者皆可黃耆湯無汗皆可川芎湯

黃耆湯有汗則能止之

黃耆 白朮 防風 各等分

右咬咀水煎五七錢飲清溫若汗多惡風甚者加桂枝一二錢匕

川芎湯無汗則能發下

川芎 羌活 製蒼朮 各等分

右咬咀水煎五七錢飲清熱若汗少惡寒甚者加麻黃一二錢匕

法曰五藏之脉寸關尺也今言尺寸者陰陽也如陽緩而陰急者表和而裏病也如陰緩而陽急者裏和而表病也

立頁至立秋處暑之間傷寒者身多微涼有自汗四時沉重謂之濕溫又謂之溫淫宜蒼朮石膏湯

蒼朮

半兩

石膏

錢叁

知母

半錢

甘草

錢一

右為

右為

麤末

作一服

水煎

溫服

身熱脉洪無汗多渴者熱在上焦宜桔梗湯

甘草

桔梗

連翹

梔子

薄荷

黃芩

右為麤末竹葉水煎秘者加大黃

通解四時傷寒大神木湯

蒼朮

四兩

羌活

防風

川芎

各一兩

黃芩

枳殼

一作枳實

甘草

各半兩

白芷

半兩

石膏

二兩

細

辛

錢叁

知母

錢七

右咬咀石膏為細末入藥水煎欲汗之熱

服湯投春倍防風羌活夏倍黃芩知母季

夏淫兩倍朮白芷秋加桂五錢冬加至一

兩亦可以意消息隨證增損非發熱而渴

不可用石膏知母非裏實心下不可用

枳實也

內傷論并治法藥方俱在陰證略例中

緩急辨

經云治主以緩治客以急所當知也



諸有表證當汗脉浮急汗之脉沉緩汗之  
諸有裏證當下脉浮緩下之脉沉急下之  
三陽汗當急而下當緩 三陰汗當緩而  
下當急 主爲病則緩去之 客爲病則  
急去之 胃中氣病自病也爲主治當緩  
胃中血病他病也爲客治當急 上無形  
下入腹中卽爲客也治當急 下有形上  
入胃中卽爲主也治當緩 歲之六氣主  
也 司天在泉間氣客也 補上治上制

以緩不犯血藥便爲之緩非緩慢之緩也  
補下治下制以急不犯氣藥便爲之急非  
急速之急也 熱在至高之分故用輕劑  
從高而按治從緩也若急服之上熱未退  
而中寒復生矣若入有形當下之者候其  
急從權可也

傷寒傳至五六日間漸變神昏不語或睡中  
獨語一二句目赤唇焦乾不飲水稀粥與  
之則嚙終日不與則不思六脉細數而不

洪大心下不痞腹中不滿大小便如常或  
傳至十日已來形兒如醉人鑿見神昏不  
已多用承氣湯下之則悞矣蓋不知此熱  
傳手少陰心經也本太陽經傷風謂風爲  
陽邪陽邪傷衛陰血自燥熱畜膀胱壬病  
逆傳於丙丙丁兄妹由是傳心火迫而熏  
肺所以神昏也謂肺爲清肅之藏內有火  
邪故令神昏宜梔子黃芩黃連湯若脉在  
丙者導赤散脉在丁者瀉心湯若悞用涼

鬲散乃氣中之血藥也如右手寸脉沉滑  
有力者則可用之或用犀角地黃湯者近  
於是也此解陽明經血中熱之藥也若脉  
浮沉俱有力者是丙丁中俱有熱也可以  
導赤散與瀉心湯合半服之則宜矣

### 汗吐利下

病在天之無形當汗病在天之有形當吐病  
在地之無形當利小便病在地之有形當  
過大便經言亡血虛家不可吐在脉尺中



按之有力當吐之若尺中按之無力即不可吐以其陽氣下陷于陰中為陰所遏故吐之使陽氣得以上升也

浮可下者外有六經之形證沉可汗者內無便溺之阻隔

表 實 麻黃湯 中 實 調胃承氣湯  
虛 桂枝湯 虛 小建中湯

沉 實 大承氣湯  
虛 四逆湯

瘧疾論

暑之為病以瘧舍于榮衛之間得秋之風寒所傷而後發亦有非暑感

風寒而得者邪并于陽則發熱邪并于陰則發寒併則病作離則病止在氣則發之早在血則發之寡淺則日作深則間之或在頭項或在腰脊雖上下遠近之不同在太陽一也從手中治中治者少陽也

素問六經瘧候湯液 足經

太陽瘧 令人腰痛頭重從背起先寒後熱

熇熇暍暍然熱止汗出雖已羸活加生地

黃湯 小柴胡加桂湯

陽明瘧 令人先寒洒淅洒淅甚久乃熱熱

去汗出喜日月火光氣乃快然桂枝二白

虎一湯 黃芩芍藥加桂枝湯

少陽瘧 令人身體解休寒不甚熱不甚惡

見人見人心惕惕然熱多汗出小柴胡湯

主之

太陰瘧 令人不樂好太息不嗜食多寒熱

汗出病至則善嘔嘔已乃衰小建中湯異

功湯

少陰瘧 令人悶吐甚多寒熱熱多寒少欲

開戶牖而處其病難已小柴胡加半夏

湯

厥陰瘧 令人腰痛少腹滿小便不利如癢

狀非癢也數便意恐懼氣不足腹中悒悒

四物玄胡苦練附子湯



素問五藏瘧證湯液方在活人

肝瘧 令人色蒼蒼然太息其狀若死者四

逆湯 通脉四逆湯

胃瘧 令人疽病善飢而不能食食而腹滿

腹大 理中湯 理中丸

心瘧 令人煩心甚欲得清水反寒多不甚

熱 桂枝加黃芩湯

脾瘧 令人寒腹中痛熱則腸中鳴鳴已汗

出小建中湯芍藥加甘草湯

肺瘧 令人心寒寒甚熱熱間善驚如有見

者 桂枝加芍藥湯

腎瘧 令人洒洒腰脊痛宛轉大便難目眴

眴然手足寒 桂枝加當歸芍藥湯

汗少者白虎加蒼朮 陽濡而弱

濕溫 先傷濕 後傷暑名曰重暍 脉

汗多者白虎加桂枝 陰小而急

先傷寒 後傷熱

身熱脉虛 自汗惡寒 中暑也 白虎

素問五藏瘧證湯液方在活人

肝瘧 令人色蒼蒼然太息其狀若死者四

逆湯 通脉四逆湯

胃瘧 令人疸病善飢而不能食食而腹滿

腹大 理中湯 理中丸

心瘧 令人煩心甚欲得清水反寒多不甚

熱 桂枝加黃芩湯

脾瘧 令人寒腹中痛熱則腸中鳴鳴已汗

出小建中湯芍藥加甘草湯

肺瘧 令人心寒寒甚熱熱間善驚如有見

者 桂枝加芍藥湯

腎瘧 令人洒洒腰脊痛宛轉大便難目眴

眴然手足寒 桂枝加當歸芍藥湯

汗少者白虎加蒼朮 陽濡而弱

濕溫 先傷濕 後傷暑名曰重暍 脉

汗多者白虎加桂枝 陰小而急

先傷寒 後傷熱

身熱脉虛 自汗惡寒 中暑也 白虎



加桂湯

身熱脉浮

自汗欲睡

濕温也

白朮

防已湯

先傷風 後傷

若先飲冷後傷暑者五苓散主之此必心下痞濃生姜湯調服佳或四君子湯調中亦可中和後或小便不利或莖中痛

蒲黃參錢滑石五錢生甘草一錢

為細末熱水調下

韓氏微指 病人兩手脉浮數而緊名曰傷

寒若關前寸脉力小關後尺脉力大雖不

惡風不自汗此乃陰氣已盛先見乎脉也

宜投藥和之表之也

調脉湯陽明少陽也

葛根兩一防風兩半前胡七錢炙甘草兩半

右為末每服五錢水二盞生姜壹塊如棗

大拍破同煎如寸脉依前力小加棗三个

同煎服

葛根柴胡湯陽明少陽也

葛根一兩半柴胡一兩芍藥 桔梗 甘草各

右為末每服五錢水二盞生姜一塊葱白  
三寸同煎服

薄芎湯陽明也

薄芎一兩葛根 炙甘草 防風各半兩人參

七錢半右為末水煎服

防風湯陽明也

防風一兩炙甘草四錢旋覆花 桔梗各半兩製

厚朴七錢半

右為末生姜一塊加荆芥穗五七个同煎  
六物麻黃湯太陽陽明也

麻黃六節葛根七錢半人參半兩炙甘草半兩蒼  
朮去皮七錢半

右為末棗二枚同煎服後猶惡風加荆芥  
穗七錢丁香皮半兩



七物柴胡湯太陽少陽也

柴胡二兩 蒼朮 荆芥穗 麻黃去節各灸一兩

甘草七錢 加當歸一兩

右為末生薑一塊棗三枚葱白三寸同煎

發表湯太陽也

麻黃去節一兩半 蒼朮 舶上丁香皮各七錢半

甘草 人參 當歸各半 加桂枝五錢 細辛

半兩如多減半汗不止則加

右為末生薑一塊棗三枚同煎

五積散治陰經傷寒脾胃不和及感寒邪

白茯苓 厚朴 芍藥 當歸 麻黃去節

乾姜炮減半 半夏洗七遍已上各參兩 官桂減半 人參

川芎各二兩 甘草二兩 白芷四兩 枳殼五兩 穰

黃炒 陳皮八兩 不去白 蒼朮二拾肆兩 桔梗十二兩

右除枳殼肉桂外其餘並一處生為麤末

於大鑊內用文武火炒令黃熟不得焦用

紙攤在牀床上候冷入枳殼官桂末和勻

入磁合盛每服二錢水一盞生薑三片同

煎 若傷寒加葱白一莖豆豉七粒同煎  
 連服出汗 若脾胃不和內傷冷食渾身  
 疼痛頭昏無力胃脘不利飲食不下氣脉  
 不和四肢覺冷或睡裏虛驚至晚心躁困  
 倦即入塩少許同煎 若陰經傷寒手足  
 逆冷及虛汗不止脉細疾面青嘔逆更宜  
 加附子同煎加減多少並在臨時

人參湯治傷寒七八日汗後心煩躁渴

人參 黃芩 芫胡 葛根 山梔

各一兩

子仁 甘草 炙各半兩

右為麤末每服五錢生薑棗同煎去滓溫服

麥門冬湯治傷寒後傷肺欬唾有血胃脇脹滿上氣羸瘦

麥門冬 去心 桑根白皮 生乾地黄 各一兩

夏 湯洗七次 紫苑 桔梗 炒 淡竹茹 麻黃 去根

節各七錢半 五味子 甘草 炙各半兩

右為麤末每服五錢水二盞生姜二錢半



棗三枚擘破同煎食後溫服

葛根湯治傷寒乾嘔不止

葛根

人參

各一兩

茯苓

去皮半兩

半夏

湯洗七錢半

白朮

半兩

黃耆

七錢半

麥門冬

去心一兩

甘草

炙一兩

右麤末每服三錢水一盞半生姜二錢棗

二枚擘破同煎溫服

茵陳蒿大黃湯治傷寒發黃面目悉黃小便

赤

茵陳蒿

梔子仁

芫胡

蘘皮

蜜炙各半兩

黃芩

升麻

大黃

炒各一兩

龍膽

半兩

右爲麤末每服五錢水一盞煎去滓早晚

食後

麥門冬茯苓飲子治傷寒後

心神恍惚

不得眠卧

麥門冬

去心

赤茯苓

去皮

知母

焙

芎藭

酸棗

仁

微炒

陳橘皮

去白

檳榔

甘草

炙各一兩

右麤末每服五錢水壹盞半生姜五片同

煎日三

犀角湯治傷寒後伏熱在心怔忡驚悸不得眠睡

犀角屑兩半茵陳蒿七錢半茯苓二兩芍藥 麥

門去心各一兩半山梔子仁兩半生乾地黄焙二兩

右為麤末每服五錢水壹盞半生姜二片

竹葉三七片同煎食後服

六神湯治傷寒後虛羸不思飲食

人參 白朮 黃耆各一兩枳殼又枳實白

茯苓各半兩甘草炙二錢半

右為麤末每服五錢水一盞半生姜二錢

棗三枚擘破粳米少許同煎食前

茯苓丸治傷寒後或心力勞倦四肢羸弱心忡驚悸吸吸短氣

茯苓 麥門冬去心焙熟乾地黄各一兩牡丹

皮 人參 黃耆各七錢半桂 甘草炙牛膝

澤瀉各半兩

右為細末煉蜜和搗三五百杵丸如桐子大食前溫酒下二十九



防風湯治傷寒後腰痛或皮肉痛痺腿膝疼痛行履艱難不可俛仰

防風兩麻黃兩桂枝兩杜仲兩牛膝兩酒浸

一兩各半丹參兩芍藥兩芎藭兩附子兩炮裂

去皮臍兩當歸兩芍藥兩羌活兩續斷兩各一

細辛兩去苗葉

右咬咀每服五錢水一盞半生姜二錢同煎食前

阿膠湯治傷寒熱毒入胃下利膿血

黃連兩炒二兩梔子仁兩阿膠兩炙令黃蘗兩去皮炙令

各一兩

右為麤末每服四錢水一盞煎服無時

醫壘元戎

傷寒不可汗不可下不可吐諸證

大法春宜吐夏宜汗秋宜下凡用發汗及吐

下湯劑皆中病即止

若少陽病脈微不可發汗亡陽故也宜附

子湯 若陽已虛尺中弱濇者復不可下

之宜小柴胡湯 若動氣在左在右在上  
在下並不可發汗宜柴胡桂枝湯 若少  
陰病脈細沉數病在裏不可發汗宜當歸  
四逆湯 若少陽病不可發汗宜小柴胡  
湯 若咽中閉塞咽喉乾燥亡血衄豕淋  
家瘡家不可發汗已上六證並宜小柴胡  
湯 若下利清穀不可發汗宜理中湯四  
逆湯之類 若四逆厥及虛家皆不可吐  
厥者宜當歸四逆湯虛宜附子湯有熱人

可黃耆人參建中湯 若少陰膈上寒乾  
嘔不可吐宜小半夏加橘皮湯溫中丸  
若咽中有動氣不可下咽中閉塞不可下  
宜烏扇湯 若外實者不可下諸四逆厥  
者不可下虛家亦然厥宜當歸四逆湯虛  
者宜附子湯有熱人黃耆人參建中湯本  
虛攻其熱必噦宜小柴胡湯 若脈浮而  
緊法當身疼痛宜以汗解假令尺中遲者  
不可發汗榮氣不足血少故也宜小柴胡



湯 若脉濡而緊濡則衛氣弱緊則榮中  
寒陽微衛中風發熱而惡寒榮緊衛氣冷  
微嘔心內煩此不可汗宜小柴胡湯 若  
濡而弱不可發汗宜小柴胡湯 若浮而  
大浮爲氣實大爲血虛小便當赤而難胞  
中當虛今反小便利而大汗出法應衛家  
微可與小建中湯 若反更實津液四射  
榮竭血盡乾煩而不得眠此不可下宜與  
小柴胡湯 若脉浮大應發汗宜柴胡桂

枝湯 若脉浮而緊者不可下而反下之  
爲大逆宜桂枝麻黃各半湯 若脉數不  
可下宜柴胡桂枝湯 若下之必煩利不  
止宜葛根黃芩黃連湯 若脉濇弱浮數  
不可下宜小柴胡湯 若濡弱微濇微則  
陽氣不足中風汗出而反躁煩濇則無血  
厥而且寒不可下宜桂枝甘草牡蠣龍骨  
湯 若結胃脉浮大不可下下之卽死宜  
小陷胃湯 若陽病多者熱下之則硬宜

小柴胡湯 若太陽發汗不徹轉屬陽明  
微汗出不惡寒若太陽證不罷不可下之  
下之爲逆宜桂枝麻黃湯 若太陽病有  
外證未解不可下下之爲逆宜桂枝麻黃  
湯 若病發於陽而反下之熱入因作結  
胃病發於陰而反下之因作痞 結胃則  
有陷胃湯九三 痞則有瀉心湯五 若  
太陽與陽明合病喘而胃滿不可下宜麻  
黃杏子甘草石膏湯 若太陽與少陽合

病心下硬頸項強而弦者不可下宜小柴  
胡湯 若病欲吐者不可下宜小半夏加  
橘皮湯 太陰腹痛吐食自利腹痛下之  
必胃下結硬 厥陰病渴氣上衝心中  
熱飢不欲食食則吐衄下之則利不止  
若少陰病飲食入口則吐心中溫溫欲吐  
復不能吐始得之手足寒脈弦遲者此胃  
中寒實不可下也宜溫中湯生姜汁半夏  
湯 若無陽陰強大便硬者下之必清穀



腹滿宜用蜜煎導法 若傷寒五六日不  
 結胃腹濡脈虛復厥者不可下此亡血也  
 宜當歸四逆湯下之則死宜四逆加人參  
 湯 若藏結無陽證不往來寒熱其人反  
 靜舌上胎滑者不可攻也謂下也宜用小  
 柴胡湯 若傷寒嘔多雖有陽明證不可  
 攻之宜小柴胡湯 若陽明病身面色赤  
 攻之必發熱宜調胃承氣湯 若色黃者  
 小便不利也宜五苓散 若陽明病心下

硬滿者不可攻之宜生薑瀉心湯 半夏  
 瀉心湯 攻之利不止者死宜四逆湯  
 不可汗下吐三法利害非輕前人多列經後  
 大抵醫之失只在先藥藥之錯則變生苦  
 汗下不差則永無亡陽生黃畜血結胃痞  
 氣及下痢洞泄脇熱痢瘕急虛勞等證生  
 矣其如此故錄大禁忌於前使醫者當疾  
 之初不犯也

太陽證

桂枝一十四方麻黃  
 五方在後保命集內

傷寒六經所感形證合用汗下吐和解等湯  
尤仲景活人雲岐子保命集載之詳者此不  
復重錄數書中所無者并諸方對證加減今  
載于后

釜匱黃耆建中湯治虛勞裏急諸不足宜此  
方主之

黃耆

桂枝

生姜

切各

芍藥

六兩

炙甘草

二兩

膠飴

乙大棗

十二

右七味咬咀以水七升先煮六味取三升

去滓內膠飴令消溫服一升日三若嘔者  
加生姜 若腹滿者去棗加茯苓四兩  
若肺虛損不足痞氣加半夏五兩

易簡建中加減法

若婦人血疼男子心腹疴痛并四肢拘急  
疼痛甚者加遠志半兩 若或吐或瀉狀  
如霍亂及冒涉濕寒賊風入腹拘急切痛  
加附子七錢半 若疝氣發作當於附子  
建中湯煎時加蜜一匙頭許 若男子婦



人諸虛不足小腹急痛脇肋脹臍下虛  
 滿胃中煩悸面色痿黃唇口乾燥少力身  
 重短氣腰背強痛骨肉酸疼行動喘乏不  
 能飲食或因勞傷過度或因病後不復加  
 黃耆一兩半 若婦人一切血氣虛損及  
 產後勞傷虛羸不足腹中疝痛吸吸少氣  
 小腹拘急痛引腰背時自汗出不思飲食  
 加當歸一兩名當歸建中湯產後半月每  
 日三服令人丁壯

大建中湯治內虛裏急少氣手足厥逆少腹  
 攣急或腹滿弦急不能食起即微汗出陰縮  
 或腹中寒痛不堪勞苦唇口舌乾精自出或  
 手足作寒作熱而煩苦酸痛不能久立此補  
 中益氣 石咬咀水五盞煎至三盞去滓分  
 三服

桂心參錢芍藥 黃耆各二錢甘草乙錢生薑  
 五當歸 人參各乙錢附子半錢半夏二錢棗  
 二依上煎

易簡杏子湯治欬嗽不問外感風寒內傷生冷及虛勞咯血痰飲停積悉皆治療

人參 半夏 茯苓 細辛 減半 乾姜 減半 甘草

草 炙 官桂 半 芍藥 五味子

右咬咀每服四錢水一盞半杏仁去皮尖

剉五枚姜五片煎至六分去滓服 若感

冒得之加麻黃等分 若脾胃素實者用

米殼去筋膜碎剉以醋淹炒等分加之每

服加烏梅一枚煎服其效尤驗嘔逆惡心

者不可用此若久年咳嗽氣虛喘急去杏仁人參倍加麻黃添芍藥如麻黃之數乾姜五味子各增一半名小青龍湯

大補十全散

參耆朮茯苓 芍地桂歸川 三五錢秤

用 生姜棗水煎 婦人虛弱用 名美

號十全

治男子婦人諸虛不足五勞七傷不進飲食久病虛損時發潮熱氣攻骨瘡拘急疼



痛夜夢遺精面色痿黃脚膝無力喘欬中  
滿脾腎氣弱五心煩悶並皆治之

桂 芍藥 甘草 黃耆 當歸 川芎

人參 白朮 茯苓 熟地黄 各等分

右為麤末每服二大錢水壹盞生姜三片  
棗二枚煎至七分不拘時候溫服桂芍藥  
甘草小建中湯也黃耆與此三物即黃耆  
建中湯也人參茯苓白朮甘草四君子湯  
也川芎芍藥當歸四物湯也以其氣血俱

衰陰陽並弱天得地之成數故名曰十全  
散

易簡胃風湯治大人小兒風冷乘虛入客腸  
胃水穀不化泄瀉注下及腸胃濕毒下如豆  
汁或下瘀血日夜無度

人參 茯苓 川芎 官桂 當歸 芍

藥 白朮 各等分

右咀咬每服二錢水一大盞粟米百餘粒  
同煎七分去滓稍熱服空心小兒量力減

之 若加熟地黃黃耆甘草等分足為十  
 味名十補湯 若虛勞嗽加五味子 若  
 有痰加半夏 若發熱加柴胡 若有汗  
 加牡蠣 若虛寒加附子 若寒甚加乾  
 姜皆依本方等分 若骨蒸發熱飲食白  
 若者用十補湯加柴胡二兩服之 若氣  
 短加人參 若小便不利加茯苓 若脉  
 弦濇加川芎 若惡寒加官桂 若脉濇  
 加當歸 若腹痛加白芍藥 若胃熱濕

盛加白朮潔古云防風為上使 黃連為  
 中使 地榆為下使 若血瘀色紫者陳  
 血也加熟地黃 若血鮮色紅者新血也  
 加生地黃 若寒熱者加柴胡 若肌熱  
 者加地骨皮 若脉洪實痛甚者若酒浸  
 大黃

千里漿一名水葫蘆

木苾 紫蘇葉 桂 各半 烏梅肉 赤茯苓  
 各一 兩



右為細末煉蜜為丸如彈子大噙化壹丸  
燕津

又方百藥煎

烏梅肉 紫蘇葉 人參 甘草 麥門

冬

右各等分為細末煉蜜丸噙化

荔枝湯

烏梅肉 甘草 各二兩 百藥煎 乙兩 白芷 半兩 白

檀 叁錢

右細末湯點

蜜酒 好蜜 斤二 冰 一椀 細麴 乙升 好乾酵

兩叁

右先熬蜜水去花沫令絕冷下麴酵每口

三攪三日熟

陽明證 葛根湯三方升麻湯大小青龍 等湯在後保命集內承氣湯三

方亦在

易老門冬飲子治老弱虛人大渴

人參 枸杞 白茯苓 甘草 各叁錢 五味

子半兩麥門冬去心五錢

右為籠末生姜水煎

治勞復起死人麥門冬湯氣欲絕者用之有效

麥門冬乙兩甘草二兩粳米半合

右門冬去心為細末水二盞煎粳米令熟

去米約湯一小盞半入藥五錢匕棗二枚

去核新竹葉十五片同煎至一大盞去滓

大溫服不能服者絲滴口中後人治小兒

不能灌注者宜用此絲滴法 此方不用

石膏以其二焦無大熱也兼自欲死之人

陽氣將絕者故不用石膏若加人參大妙

海藏五飲湯一留飲心下二澀飲脇下三痰

飲胃中四溢飲膈上五流飲腸間凡此五飲

酒後傷寒冷過多故有此疾

旋覆花 人參 陳皮 枳實 白朮

茯苓 厚朴 半夏 澤瀉 猪苓 前

胡 桂心 芍藥 甘草



右等分剉每兩分四服水二盞生姜十片  
 同煎至七分取清溫飲無時忘食肉生冷  
 滋味等物因酒有飲加葛根葛花縮砂仁  
 海藏已寒丸此丸不僭上陽生於下 治陰  
 證服四逆輩胃中發躁而渴者或數日大便  
 秘小便澀赤服此丸上不躁大小便自利  
 肉桂 茯苓各五錢 良姜 烏頭炮各七錢 附子  
 炮乾姜炮 芍藥 茴香炒各乙兩  
 右等分爲細末糊爲丸桐子大溫酒下空

腹食前五七十九八九十九亦得酒醋爲  
 糊俱可

婦人血風證因太脫血崩漏或前後血因而  
 枯燥其熱不除循衣撮空摸床閉目不省擲  
 手揚視搖動不寧錯語失神脉弦浮而虛內  
 燥熱之極也氣羸鼻乾而不潤上下通燥此  
 爲難治宜生地黃黃連湯主之

川芎 生地黃 當歸各七錢 赤芍藥 梔  
 子 黃芩 黃連各叁錢 防風乙兩

右為麤末每服三錢水二盞煎至七分取清飲無時徐徐與之若脉實者加大黃下之大承氣湯氣藥也自外面之內者用生地黄黃連湯血藥也自內而之外者用之氣血合病循衣撮空證同 自氣而之血血而復之氣大承氣湯下之自血而之氣氣而復之血地黄黃連湯主之也二者俱不大便

增損理中丸王朝奉云大小陷胃湯丸不愈

者宜與之

人參 白朮 括蕒 牡礪 各二兩 甘草 炒

兩 乾姜 炮一兩 枳實 炒二十個 黃芩 去枯一兩

右為細末煉蜜為丸如彈大湯一盞煎服不歇復與之不過五六胃中豁然矣用藥神速未嘗見也 渴者加括蕒根 汗者加牡礪

少陽證 大小柴胡湯加減在前附又柴胡五方在後保命集內

易簡參蘇飲治感冒發熱頭痛或因痰飲凝



積發以為熱並宜服之若感冒發熱亦如服  
 養胃湯法連進數服微汗即愈大治中脘痞  
 悶嘔逆惡心開胃進食小兒室女尤宜服之  
 前胡 人參 紫蘇 乾葛 半夏 茯苓  
 芩加參分 枳殼 陳皮 甘草 桔梗 木  
 香各半兩  
 右咬咀每服四錢水一盞半生姜七片棗  
 一枚煎至六分去滓不以時候素有痰飲  
 者俟熱退以二陳湯或六君子湯間服若

男子婦人虛勞發熱或吐衄下血過多致  
 虛熱者用此藥三兩加四物湯二兩合和  
 名茯苓補心湯

活人治婦人傷寒妊娠服藥例

若發熱惡寒不離桂枝芍藥 若往來寒  
 熱者不離柴胡前胡 若大渴者不離知  
 母石膏五味子麥門冬 若大便泄者不  
 離桂附白朮乾姜 若大便燥結者不離  
 大黃黃芩 若經水滴來滴去斷者不離

小柴胡 若安胎者不離人參阿膠白朮  
黃芩 若發汗者不離葱豉生姜麻黃旋  
覆 若頭痛者不離前胡石膏梔子 若  
傷暑頭痛者不離柴胡石膏甘草 若滿  
悶者不離枳實陳皮若胎氣不安者不離  
黃芩麥門冬人參 若癩發黑者不離黃  
芩梔子升麻  
萬病紫苑九療臍腹久患疝癖如椀大及諸  
黃病每地氣起時上氣衝心遶臍絞痛一切

虫咬十種水病十種蠱病反胃吐食嘔逆惡  
心飲食不消天行時病婦人多年月露不通  
或腹如懷孕多血天陰即發又治十二種風  
頑痺不知年歲晝夜不安夢與鬼交頭白多  
屑或哭或笑如鬼魅所著腹中生瘡腹痛服  
之皆效

紫苑 去苗 吳茱萸 湯洗七次焙乾 菖蒲 柴胡 去須  
厚朴 姜製 桔梗 去蘆 茯苓 去皮 皂莢 去皮子 桂  
枝 乾姜 炮 黃連 去須 蜀椒 去目及開口



巴豆去皮膜人參去蘆各半兩川烏炮去皮半兩

加葱活獨活防風等分

右為細末入巴豆勻煉蜜丸梧桐子大每服三丸漸加至五七丸生姜湯送下食後臨卧初有孕者不宜服具引于后痔漏腸風酒下赤白痢訶子湯下膿血痢米飲湯下墮傷血悶四肢不收酒下蛔虫咬心檳榔湯下氣噎憂噎荷葉湯下打撲傷損酒下中毒葶灰甘草湯下

一切風升麻湯下寸白虫檳榔湯下

霍亂乾姜湯下咳嗽杏仁湯下腰腎

痛豆淋酒下陰毒傷寒温酒下吐逆

生姜湯下飲食氣塊麩湯下時氣井

花水下脾風陳皮湯下頭痛水下

心痛温酒下大小便不通燈草湯下

因物所傷以本物湯下吐水藜湯下

氣病乾姜湯下小兒天風弔搐防風湯

下防已亦可小兒疳痢葱白湯下小

兒乳食傷白湯下 月信不通煎紅花酒  
 下 婦人腹痛川芎湯下 懷孕半年後  
 胎漏艾湯下 有子氣衝心酒下 產暈  
 痛溫酒下 血氣痛當歸酒下 產後心  
 腹脹滿豆淋湯下 難產益志湯下 產  
 後血痢當歸湯下 赤白帶下酒煎艾湯  
 下 解內外傷寒粥飲下 室女血氣不  
 通酒下 子死菜子湯下 又治小兒驚  
 癇大人癲狂一切風及無孕婦人身上頑

黃狀如虫行四肢俱腫呻吟等疾

太陰證

陷胃三方瀉心五方在後保命集內

理中湯加減例

若為寒氣濕氣所中者加附子一兩名附  
 子理中湯 若霍亂吐瀉者加橘紅青橘  
 各一兩名治中湯 若乾霍亂心腹作痛  
 先以鹽湯少許頓服候吐出令透即進此  
 藥若嘔吐者於治中湯內加丁香半夏一  
 兩分服生姜十片同煎 若泄瀉者加橘



紅茯苓各一兩名補中湯 若溏泄不已者於補中湯內加附子一兩不喜飲水穀不化者再加縮砂仁一兩共成八味 若霍亂吐下心腹作痛手足逆冷於本方中去白朮加熟附名四順湯 若傷寒結胃先以桔梗枳殼等分煎服不愈者及諸吐利後胃痞欲絕心膈高起急痛手不可近者加枳實茯苓各一兩名枳實理中湯 若渴者再於枳實理中湯內加栝蒌根一

兩 若霍亂後轉筋者理中湯內加火煨石膏一兩 若臍上築者腎氣動也去朮加官桂一兩半腎惡燥故去朮恐作奔豚故加官桂 若悸多者加茯苓一兩 若渴欲飲水者添加朮半兩 若苦寒者添加乾姜半兩 若腹滿者去白朮加附子一兩 若飲酒過多反啖炙煖熟食發爲鼻衄加川芎一兩 若傷胃吐血以此藥能埋中脘分利陰陽安定血脉只川本方

若中附子毒者亦用本方或止用甘草乾姜等分煎服仍以烏豆煎湯解之  
平胃散加減例

若瀉脾濕加茯苓丁香白朮爲調胃散一法加藿香半夏 若加乾姜爲厚朴湯 若溫疫時氣二毒傷寒頭痛壯熱加連翹葱白五寸豆豉三十粒煎三二服微汗出愈 若五勞七傷脚手心熱煩躁不安百節酸疼加柴胡 若痰嗽瘧疾加姜製半

夏 若本藏氣痛加茴香 若水氣腫滿加桑白皮 若婦人赤白帶下加黃耆 若酒傷加丁香 若飲冷傷食加高良姜 若滑脫泄瀉加肉豆蔻 若風痰四肢沉困加荆芥 若腿膝冷痛加牛膝 若渾身虛壅拘急加地骨皮 若腿膝濕痺加兔絲子 若白痢加吳茱萸 若赤痢加黃連 若頭風加藁本 若轉筋霍亂加楠木皮 若七邪六極耳鳴夢洩盜汗四



肢沉重腿膝酸痿婦人宮藏外冷月脉不  
 調者加桂 若胃寒嘔吐多加生姜 一  
 法加茯苓丁香各三兩共成六味 若氣  
 不舒快中脘痞塞加縮砂仁香附子各三  
 兩生姜煎服 若與五苓散相半為對金  
 飲子 若與六一散相合為黃白散 若  
 與錢氏異功散相合為調胃散 若欲進  
 食加神麩麥蘖吳茱萸蜀椒乾姜桂為吳  
 茱萸湯 若加藁本桔梗為了解散治傷

寒吐利 若加藿香半夏為不換金正氣  
 散 若瘧疾寒熱者加柴胡 若小腸氣  
 痛者加苦練茴香

少陰證 真武四逆等湯在活人姜  
附方七道在保命集內

入物定志丸補益心神安定魂魄治痰去胃  
 中邪熱理肺腎

人參 一兩 菖蒲 遠志 去心 茯神 去心 茯苓 去皮  
 各一兩 朱砂 一錢 白朮 麥門冬 去心各半兩 牛黃 二錢另  
 細研

右為細末煉蜜丸桐子大米飲湯下三十丸無時

若髓竭不足加生地黃當歸 若肺氣不足加天門冬麥門冬五味子 若心氣不足加上黨參茯神菖蒲 若脾氣不足加白朮白芍藥益智 若肝氣不足加天麻川芎 若腎氣不足加熟地黃遠志牡丹皮 若膽氣不足加細辛酸棗仁地榆 若神昏不足加朱砂預知子茯神

仲景八味丸

熟地黃補腎水真血 肉桂補腎水真火 牡丹皮補神志不足 附子能行諸經而不止兼益火 白茯苓能代腎邪濕滯 澤瀉去胞中留垢及遺溺 山茱萸治真滑不禁 乾山藥能治皮毛中燥酸澀 右八味皆君主之藥 若不依易老加減服之終不得效若加五味子為腎氣丸述類象形之劑也益火之源以消陰翳壯水



之主以制陽光錢氏地黃丸減桂附

潔古老人天麻丸治證見活法機要

天麻六兩酒浸參除風痺牛膝六兩酒浸三日

焙乾強筋玄參六兩樞機管領革薜六兩

另為壯胃杜仲七兩剉使筋骨相著

當歸全用和養血羌活十一兩或去

骨節間風生地黃一斤益真血附子一兩

炮行諸經不止獨活五兩去腎間風邪

右為細末煉蜜為丸如桐子大每服五七

十九丸病大至百丸空心食前溫酒白湯下

服藥忌壅塞失於通利故服半月稍覺壅

塞微以七宜丸輕踈之使藥再為用也

大効牡丹皮散治血藏虛風及頭目不利可

思飲食手足煩熱肢節拘急疼痛胃膈不利

大腸不調陰陽相干心驚忪悸或時旋運

牡丹皮 川芎 枳殼剉炒各一兩陳皮半兩

玄胡 甘草 羌活 半夏湯洗各半兩木香

參分呵子肉參分芍藥參錢三稜半兩乾姜半兩

當歸一兩 白朮一分 桂半兩

右為細末每服二錢水壹盞半煎五七沸  
食前溫服益血海退血風勞攻注消寒痰  
實脾胃理血氣攻刺及氣虛惡寒潮熱證  
至妙

海藏大五補丸同三才丸例

天門冬 麥門冬 菖蒲 茯神 人參  
益智 枸杞 地骨皮 遠志 熟地  
黃

右為末煉蜜為丸如桐子大空心酒下三  
十丸 本方數服以七宣丸泄之

清心丸治熱

黃蘗二兩 天門冬一兩 黃連半兩 龍腦一錢 麥門  
冬去心

右為細末煉蜜丸桐子大每服十丸臨臥  
門冬酒下薄荷湯亦得

火府丹丙丁俱瀉

黃芩 黃連 生地黃 木通



右為細末煉蜜丸桐子大每服二三十丸  
溫水下臨臥

海藏調胃白朮澤瀉散治痰病化為水氣傳  
變水鼓不能食

白朮 澤瀉 芍藥 陳皮 茯苓 生  
薑 木香 檳榔

右為末一法加白朮本藥各半治腹臍上  
腫如神 若心下痞者加枳實 若下盛  
者加牽牛

厥陰證

當歸四逆并加吳茱萸  
更壽易見陰證略例

四物湯益榮衛滋氣血月水不調臍腹疔痛  
等證並見局方

熟地黄

補血如臍下痛非此不能  
除乃通於腎經之藥也 川芎

泄肝木也如血虛頭痛非芎  
芍藥和血理

不能除乃通肝經之藥也  
當歸和血如血刺痛

乃通脾經之藥也  
當歸和血如血刺痛

右為麤末水煎 加減于后

若加地骨皮牡丹皮治婦人骨蒸 若姪

娠胎動不安下血不止者加艾十葉阿膠  
一片又加葱白黃耆 若血藏虛冷崩中  
去血過多亦加膠艾 若婦人嘗服春倍  
川芎脉弦頭痛夏倍芍藥脉洪飧泄秋倍  
地黃脉沉瀆血虛冬倍當歸脉沉寒而不  
食 若春則防風四物加防風倍川芎  
若夏則黃芩四物加黃芩倍芍藥 若秋  
則門冬四物加天門冬倍地黃 若冬則  
桂枝四物加桂枝倍當歸 若血虛而腹

痛微汗而惡風四物湯加茂桂謂之腹痛  
六合 若風眩運加秦艽羌活謂之風六  
合 若氣虛弱起則無力眩然而倒加厚  
朴陳皮謂之氣六合 若發熱而煩不能  
睡臥者加黃連梔子謂之熱六合 若虛  
寒脉微自寒氣難布息清便自調加乾薑  
附子謂之寒六合 若中濕身沉重無力  
身涼微汗加白朮茯苓謂之濕六合 若  
產後虛勞日久而脉浮疾宜柴胡四物湯



川芎熟地黃當歸芍藥各乙加柴胡八錢

參黃芩甘草半夏麴各參錢同煎 若婦人

筋骨肢節痛及頭痛脉弦增寒如瘧宜治

風六合四物湯四兩防風羌活各一兩若血氣

上衝心腹肋下滿悶宜治氣六合四物湯

四兩木香檳榔各一兩若臍下虛冷腹痛及腰

脊間悶痛宜玄胡六合小腹痛者同四物湯四兩

玄胡苦練各乙兩若氣充經脉故月事類

併臍下多痛宜芍藥六合四物湯四兩芍藥

一兩若經事欲行臍腹絞痛臨經痛者血澁

也宜八物湯四物湯四兩玄胡苦練碎炒檳

榔木香各一兩若經水過多別無餘證宜黃

芩六合四物湯四兩黃芩白朮各一兩若經水

澀少宜四物內加葵花煎又加紅花血見愁若虛

勞氣弱咳嗽喘滿宜厚朴六合四物湯四兩

厚朴姜製乙兩枳實麩炒半兩若經水暴下加黃芩

一兩 若腹痛者加黃連如夏月不去黃

芩 若經水如黑豆汁者加黃芩黃連各

一兩 若經水少而色和者四物湯加熟地黃當歸各一兩 若經水適來適斷或有往來寒熱者先服小柴胡湯以去其寒熱後以四物湯和之 若婦人血積者四物湯內加廣茂京三稜桂乾漆各一兩 若婦人傷寒汗下後飲食減少血虛者宜八物湯四物湯附四黃耆甘草茯苓白朮各一兩 若妊娠傷寒中風表虛自汗頭痛項強身熱惡寒脈浮而弱太陽經病宜表虛六合湯

四物湯附四桂枝地骨皮各七錢 若妊娠傷寒

頭痛身熱無汗脈浮緊太陽經病宜表實

六合湯四物湯附四麻黃細辛各半兩 若妊娠

傷寒中風澀之氣肢節煩疼脈浮而熱頭

痛宜風濕六合湯太陽標病也四物湯附四

防風蒼朮製各七錢 若妊娠傷寒下後過經不

愈溫毒發癰如錦文宜升麻六合湯四物

湯附四升麻連翹各七錢 若妊娠傷寒胃脇滿

痛而脈弦少陽也宜柴胡六合湯四物湯



四兩柴胡黃芩各七錢若妊娠傷寒大便硬小

便赤氣滿而脉沉數陽明太陽本病也急

下之宜大黃六合湯四物湯四兩大黃五錢桃

仁一个去皮若妊娠傷寒汗下後咳嗽不

止者宜人參六合湯四物湯四兩人參五味

錢各五若婦人妊娠傷寒汗下後虛痞脹滿

者陽明本虛也宜厚朴六合湯四物湯四兩

厚朴枳實各五錢若妊娠傷寒汗下後不

得眠者宜梔子六合湯四物湯四兩梔子黃

芩各五錢若妊娠傷寒身熱大渴蒸蒸而煩

脉長而大者宜石膏六合湯四物湯四兩石

膏知母各五錢若妊娠傷寒小便不利太陽

本病宜茯苓六合湯四物湯四兩茯苓澤瀉

錢各五若妊娠傷寒太陽本病小便赤如血

狀者宜琥珀六合湯四物湯四兩琥珀茯苓

錢各五若妊娠傷寒汗下後血漏不止胎氣

損者宜膠艾六合湯四物湯四兩阿膠艾各

錢一方加甘草同上一若妊娠傷寒四肢

拘急身凉微汗腹中痛脉沉而遲少陰病也宜附子六合湯四物湯四附子炮去皮臍桂各五錢若赤白帶下宜香桂六合湯四物湯四桂香附子各五錢若妊娠傷寒畜血證不宜墮胎藥下之宜四物大黃湯下四物湯生地黄酒浸大黃若虛熱病四物與參蘇飲相合名補心湯主之若四肢腫痛不能舉動四物蒼朮各半湯主之若治燥結四物與調胃承氣湯各半為玉燭散

皆流濕潤燥宜四物理中各半湯若保胎氣令人有子四物與縮砂四君子湯各半名八珍湯若熱與血相搏口舌乾渴飲水加栝蒌麥門冬若腹中刺痛惡物不下加當歸芍藥若血崩者加生地黃蒲黃黃芩若頭昏項强者加柴胡黃芩若因熱生風者加川芎柴胡防風若藏秘澀者加大黃桃仁若滑瀉者加官桂附子若嘔者加白朮人參生薑若大



渴者加知母石膏 若發寒熱者加乾生  
 姜牡丹皮芍藥柴胡 若水停心下微吐  
 逆者加豬苓茯苓防已 若虛寒似傷寒  
 者加人參柴胡防風 若產婦諸證各隨  
 六經以四物與仲景藥各半服之其效如  
 神 若婦人或因傷酒或因產亡血或虛  
 勞五心煩熱者宜四物二連湯四物湯內  
 用地黃連胡黃連真溫飲清四物與桂枝  
 麻黃白虎柴胡理中四逆茱萸承氣涼膈

等皆可作各半湯此易老用藥大略也

若虛煩不得睡加竹葉人參 若婦人血

虛心腹疔痛不可忍者去地黃加乾姜名

四神湯 若諸痛有濕者四物與白朮相

半加天麻茯苓川山甲 酒煎 若目赤

暴發作雲翳疼痛不可忍宜四物龍膽湯

四物各半羌活防風各叁草龍膽防已各

錢水煎

海藏云婦人妊娠畜血 若人妊娠或畜血

抵當桃仁勿妄施要教子母俱無損大黃  
四服對服之

海藏當歸丸治三陰受邪心膈少三腹疔痛  
氣風等證

四物湯各半兩 防風 獨活 全蝎各半兩 續

斷一兩 苦練 玄胡各七錢 木香 丁香各二錢半

茴香炒一兩

右為細末酒糊丸桐子大空心温酒下三  
五十九大效

苦練丸治奔豚小腹痛神效

川苦練 茴香 附子一兩炮去皮臍

右三味酒二升煮盡為度焙乾細末之每  
秤藥末一兩入玄胡半兩全蝎十八个炒  
丁香十八个別為末和勻酒糊丸桐子大  
温酒下五十九丸空心痛甚加當歸煎酒下

治喉閉逡巡不救方

阜莢去皮子生半兩為細末筋頭點少許  
在痛處更以醋糊調藥末厚塗項上  
須更使破  
血出立差



拯濟換骨丹 海云自汗者不宜服 歌曰

槐皮芎朮芷仙人防首蔓十味各停勻苦  
味香減半龍麝卽少許朱砂作衣纏麻黃  
膏煎丸大小如指彈

右治半身不遂口眼喎斜手足不仁言語  
蹇澀或痛入骨髓或痺襲皮膚或中急風  
涎潮不言精神昏塞行步艱難筋脉拘急  
左癱右瘓一切風疾前皆治之

槐莢子生人參 桑白皮 蒼朮 川芎

何首烏 蔓荆子 葳靈仙 防風各二兩

五味子 香附子 苦參各一兩 香白芷二兩

麝香二錢另研

右一十四味爲細末入香令勻又用麻黃  
十斤去根節用大河水三石三斗熬至六  
斗瀘過去滓再熬至二升半入銀石器內  
熬成膏入前藥末和勻杵三五千下每一  
兩作十九朱砂爲衣每服一元擣碎酒一  
盞自晨浸至晚食後飽得臥微攪勻服之

神清無睡是藥之驗再服須臾五日服之  
如中風無汗宜服若體虛自汗服之是重  
亡津液也若風盛人於密室溫臥取汗

醫方類聚卷之六寸